

## REGLUGERÐ

### um breyting á reglugerð um þvingunaraðgerðir varðandi Alþýðuveldið Kóreu nr. 160/2015, ásamt síðari breytingum.

#### 1. gr.

##### *Þvingunaraðgerðir.*

Eftirfarandi töluliðir skulu bætast í rétttri númeraröð við 1. mgr. 2. gr. reglugerðar um þvingunaraðgerðir varðandi Alþýðulýðveldið Kóreu nr. 160/2015:

- 1.21 Ákvörðun ráðsins (SSUÖ) 2018/293 frá 26. febrúar 2018 um breytingu á ákvörðun (SSUÖ) 2016/849 um þvingunaraðgerðir gegn Alþýðulýðveldinu Kóreu, sbr. fylgiskjal 1.21.
- 1.22 Framkvæmdarákvörðun ráðsins (SSUÖ) 2018/331 frá 5. mars 2018 um framkvæmd ákvörðunar (SSUÖ) 2016/849 um þvingunaraðgerðir gegn Alþýðulýðveldinu Kóreu, sbr. fylgiskjal 1.22.
- 1.23 Framkvæmdarákvörðun ráðsins (SSUÖ) 2018/551 frá 6. apríl 2018 um framkvæmd ákvörðunar (SSUÖ) 2016/849 um þvingunaraðgerðir gegn Alþýðulýðveldinu Kóreu, sbr. fylgiskjal 1.23.
- 2.11 Reglugerð ráðsins (ESB) 2018/285 frá 26. febrúar 2018 um breytingu á reglugerð (ESB) 2017/1509 um þvingunaraðgerðir gegn Alþýðulýðveldinu Kóreu, sbr. fylgiskjal 2.11.
- 2.12 Framkvæmdarreglugerð ráðsins (ESB) 2018/286 frá 26. febrúar 2018 um framkvæmd reglugerðar (ESB) 2017/1509 um þvingunaraðgerðir gegn Alþýðulýðveldinu Kóreu, sbr. fylgiskjal 2.12.
- 2.13 Framkvæmdarreglugerð ráðsins (ESB) 2018/324 frá 5. mars 2018 um framkvæmd reglugerðar (ESB) 2017/1509 um þvingunaraðgerðir gegn Alþýðulýðveldinu Kóreu, sbr. fylgiskjal 2.13.
- 2.14 Framkvæmdarreglugerð ráðsins (ESB) 2018/548 frá 6. apríl 2018 um framkvæmd reglugerðar (ESB) 2017/1509 um þvingunaraðgerðir gegn Alþýðulýðveldinu Kóreu, sbr. fylgiskjal 2.14.

#### 2. gr.

##### *Gildistaka o.fl.*

Reglugerð þessi, sem er sett með heimild í 4. og 12. gr. laga um framkvæmd alþjóðlegra þvingunaraðgerða nr. 93/2008, öðlast þegar gildi.

*Utanríkisráðuneytinu, 7. febrúar 2019.*

**Guðlaugur Þór Þórðarson.**

*Sturla Sigurjónsson.*

**Fylgiskjal 1.21.**

**ÁKVÖRÐUN RÁÐSINS (SSUÖ) 2018/293**  
**frá 26. febrúar 2018**  
**um breytingu á ákvörðun (SSUÖ) 2016/849**  
**um þvingunaraðgerðir gegn Alþýðulýðveldinu Kóreu**

RÁÐ EVRÓPUSAMBANDSINS HEFUR,

með hliðsjón af sáttmálanum um Evrópusambandið, einkum 29. gr.,

með hliðsjón af ákvörðun ráðsins (SSUÖ) 2016/849 frá 27. maí 2016 um þvingunaraðgerðir gegn Alþýðulýðveldinu Kóreu og niðurfellingu ákvörðunar 2013/183/SSUÖ <sup>(1)</sup>,

með hliðsjón af tillögu frá æðsta fulltrúa Sambandsins í utanríkis- og öryggismálum,

og að teknu tilliti til eftirfarandi:

- 1) Hinn 27. maí 2016 samþykkti ráðið ákvörðun (SSUÖ) 2016/849.
- 2) Hinn 22. desember 2017 samþykkti öryggisráð Sameinuðu þjóðanna ályktun nr. 2397 (2017) þar sem það lýsti yfir þungum áhyggjum af skotflaugarskoti Alþýðulýðveldisins Kóreu 28. nóvember 2017 í trássi við fyrirliggjandi ályktanir öryggisráðs SP og af hættunni sem friði og stöðugleika svæðisins og víðar stafar af því og staðfesti að greinileg ógn við frið og öryggi í heiminum væri áfram fyrir hendi.
- 3) Öryggisráð SP viðurkenndi að ágóði af viðskiptum með geiratengdar vörur og einnig tekjur sem launafólk frá Alþýðulýðveldinu Kóreu aflar erlendis, m.a., gangi til kjarnavopna- og skotflaugaáætlana Alþýðulýðveldisins Kóreu, og lýsti yfir þungum áhyggjum af því að þessar áætlanir tækju til sín afar nauðsynlegar tekjur frá norður-kóresku þjóðinni með gríðarlegum kostnaði.
- 4) Öryggisráð SP ákvað að auka þvingunaraðgerðir sem þegar eru fyrir hendi í nokkrum geirum, þ.m.t. að því er varðar að sjá Alþýðulýðveldinu Kóreu fyrir hraolíu og hvers konar hreinsuðum olíuvörum, og innleiddi ný bönn í nokkrum geirum, þ.m.t. með tilliti til þess að sjá Alþýðulýðveldinu Kóreu fyrir matvælum og landbúnaðarvörum, vélum og rafbúnaði, jarðvegi og grjóti, og víði, og bönn gegn því að sjá Alþýðulýðveldinu Kóreu fyrir hvers kyns iðnaðarvélum, samgöngutækjum, og járn, stáli og öðrum málum.
- 5) Öryggisráð SP veitti einnig heimild til að leggja hald á, skoða og kyrrsetja hvert það skip sem talið er tengjast broti gegn gildandi ályktunum öryggisráðs SP og til að krefjast heimsendingar alls launafólks frá Alþýðulýðveldinu Kóreu erlendis, með fyrirvara um landslög og alþjóðalög sem eru í gildi.
- 6) Fjarlægja ætti færslur um þrjá aðila og eina rekstrareiningu, sem öryggisráð SP hefur tilgreint og eru í I. viðauka við ákvörðun (SSUÖ) 2016/849, af skránni yfir aðila og rekstrareiningar sem ráðið hefur tilgreint sérstaklega og er að finna í II. viðauka við þá ákvörðun.
- 7) Frekari aðgerða er þörf af hálfu Sambandsins til þess að hrinda í framkvæmd tilteknum aðgerðum í ákvörðun þessari.
- 8) Því ætti að breyta ákvörðun (SSUÖ) 2016/849 til samræmis við það.

SAMÞYKKT ÁKVÖRÐUN ÞESSA:

*I. gr.*

Ákvörðun (SSUÖ) 2016/849 er breytt sem hér segir:

- 1) Í stað 2. og 3. mgr. 9. gr. komi eftirfarandi:

„2. Lagt er bann við því að ríkisborgarar aðildarríkjanna afhendi, selji eða tilfæri hvers konar hreinsaðar olíuvörur til Alþýðulýðveldisins Kóreu, með beinum eða óbeinum hætti, eða að það sé gert um eða frá yfirráðasvæðum aðildarríkjanna, eða með skipum sem sigla undir fána þeirra, með loftförum, leiðslum, járnbrautarsporum eða ökutækjum þeirra, hvort sem uppruni þessara hreinsuðu olíuvara er á yfirráðasvæðum aðildarríkjanna eða ekki.

3. Þrátt fyrir bannið í 2. mgr. geta lögbær stjórnvöld aðildarríkis heimilað, í hverju tilviki fyrir sig, þar sem umfang hreinsaðra olíuvara, m.a. dísilolía og steinolía, sem eru afhentar, seldar eða tilfærðar til Alþýðulýðveldisins Kóreu fer ekki yfir 500.000 tonn á tólf mánaða tímabili sem hefst 1. janúar 2018, og á tólf mánaða tímabilum eftir það, að hreinsaðar olíuvörur séu afhentar, seldar eða tilfærðar til Alþýðulýðveldisins Kóreu, þar sem lögbær stjórnvöld hafa ákveðið að afhendingin, salan eða tilfærslan sé einungis í mannúðarskyni og að því tilskildu:

- a) að aðildarríkið tilkynni framkvæmdanefndinni um þvingunaraðgerðirnar, á 30 daga fresti, um magn þess sem er afhent, selt eða tilfært af hreinsuðum olíuvörum til Alþýðulýðveldisins Kóreu ásamt því að veita upplýsingar um alla aðila að viðskiptunum,
- b) að afhending, sala eða tilfærsla á slíkum hreinsuðum olíuvörum tengist á engan hátt einstaklingum eða rekstrareiningum sem tengjast kjarnorku- eða skotflaugaráætlunum Alþýðulýðveldisins Kóreu eða annarri starfsemi sem er bönnuð samkvæmt ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017), þ.m.t. tilgreindum einstaklingum eða rekstrareiningum og
- c) að afhending, sala eða tilfærsla á hreinsuðum olíuvörum tengist á engan hátt tekjuöflun til kjarnorku- eða skotflugaáætlana Alþýðulýðveldisins Kóreu eða annarrar starfsemi sem er bönnuð samkvæmt ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017).“

2) Í stað 1. mgr. 9. gr. a komi eftirfarandi:

„1. Lagt er bann við því að ríkisborgarar aðildarríkjanna kaupi fisk og aðrar sjávarafurðir frá Alþýðulýðveldinu Kóreu, eða noti til þess skip sem sigla undir fána þeirra eða loftför þeirra, hvort sem þær eru upprunnar á yfirráðasvæði Alþýðulýðveldisins Kóreu eða ekki, sem og bann við öflun fiskveiðiréttinda frá Alþýðulýðveldinu Kóreu.“

3) Í stað 9. gr. b komi eftirfarandi:

„9. gr. b

1. Lagt er bann við því að ríkisborgarar aðildarríkja afhendi, selji eða tilfæri, með beinum eða óbeinum hætti, alla hráolíu til Alþýðulýðveldisins Kóreu eða það sé gert um eða frá yfirráðasvæðum aðildarríkjanna, eða með skipum sem sigla undir fána þeirra, með loftförum, leiðslum, járnbrautarsporum eða ökutækjum þeirra, hvort sem uppruni hennar er á yfirráðasvæðum aðildarríkjanna eða ekki.

2. Þrátt fyrir bannið sem kveðið er á um í 1. mgr. gildir það ekki ákveði aðildarríki að afhending, sala eða tilfærsla á hráolíu til Alþýðulýðveldisins Kóreu sé einungis í mannúðarskyni og að framkvæmdanefndin um þvingunaraðgerðir hafi samþykkt slíka sendingu fyrir fram í hverju tilviki fyrir sig í samræmi við 4. mgr. ályktunar öryggisráðs SP nr. 2397 (2017).

3. Sambandið skal gera nauðsynlegar ráðstafanir til að ákvarða hvaða hlutir skuli falla undir þessa grein.“

4) Eftirfarandi greinar bætast við:

„9. gr. d

1. Lagt er bann við því að ríkisborgarar aðildarríkja kaupi, með beinum eða óbeinum hætti, frá Alþýðulýðveldinu Kóreu matvæli og landbúnaðarvörur, vélar, rafbúnað, jarðveg og grjót, þ.m.t. magnesít og magnesíu, við og skip, eða það sé gert með skipum sem sigla undir fána aðildarríkjanna eða með loftförum þeirra, hvort sem uppruni þeirra er á yfirráðasvæði Alþýðulýðveldisins Kóreu eða ekki.

2. Bannið skv. 1. mgr. hefur, fram til 21. janúar 2018, ekki áhrif á efndir samninga sem gerðir eru fyrir 22. desember 2017. Upplýsingar um sérhverja sendingu skulu tilkynntar til framkvæmdanefndarinnar um þvingunaraðgerðir eigi síðar en 5. febrúar 2018.

3. Sambandið skal gera nauðsynlegar ráðstafanir til að ákvarða hvaða hlutir skuli falla undir 1. mgr.

9. gr. e

1. Lagt er bann við því að ríkisborgarar aðildarríkja afhendi, selji eða tilfæri, með beinum eða óbeinum hætti, til Alþýðulýðveldisins Kóreu allar iðnaðarvélar, samgöngutæki, járn, stál og annan málms, eða það sé flutt um yfirráðasvæði aðildarríkjanna eða með skipum sem sigla undir fána þeirra eða með loftförum, leiðslum, járnbrautarsporum eða ökutækjum þeirra, hvort sem uppruni þeirra er á yfirráðasvæðum aðildarríkjanna eða ekki.

2. Þrátt fyrir 1. mgr. gildir bannið í 1. mgr. ekki ef aðildarríki ákvarðar að nauðsynlegt sé að láta í té varahluti til að viðhalda öruggri starfrækslu farþegalöftfara Alþýðulýðveldisins Kóreu.

3. Sambandið skal gera nauðsynlegar ráðstafanir til að ákvarða hvaða hlutir skuli falla undir þessa grein.“

5) Ákvæðum 16. gr. er breytt sem hér segir:

- a) Í stað 4. mgr. komi eftirfarandi:

„4. Aðildarríki skulu hafa samstarf, í samræmi við landslöggjöf, um skoðanir skv. 1.–3. mgr.

Aðildarríki skulu hafa samstarf, eins skjótt og auðið er og með viðeigandi hætti, við annað ríki sem hefur upplýsingar sem vakið hafa grun þess um að Alþýðulýðveldið Kórea sé að reyna að afhenda, selja, tilfæra eða kaupa, með beinum eða óbeinum hætti, ólöglegan farm, þegar ríkið fer fram á viðbótarupplýsingar um ferðir skips og farm, m.a. til þess að ákvarða hvort hluturinn, hrávaran eða varan sem um er að ræða sé upprunnin í Alþýðulýðveldinu Kóreu.“

b) Í stað 6. mgr. komi eftirfarandi:

„6. Aðildarríki skulu gera nauðsynlegar ráðstafanir til að leggja hald á og losa sig við hluti, með því að eyðileggja þá, gera þá ónothæfa, geyma eða flytja til ríkis, annars en uppruna- eða ákvörðunarríkis, sem bannað er að afhenda, selja, færa til eða flytja út samkvæmt ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2371 (2017), 2375 (2017) eða nr. 2397 (2017), og komið hafa í ljós við skoðun, í samræmi við skuldbindingar þeirra samkvæmt reglum þjóðaréttar.“

6) Eftirfarandi grein bætist við:

„18. gr. b

1. Aðildarríki skulu leggja hald á, skoða og gera upptækt sérhvert skip í höfnum sínum, og þeim er heimilt að leggja hald á, skoða og gera upptækt sérhvert skip sem fellur undir lögsögu þeirra innan landhelgi þeirra þegar gild ástæða er til að ætla að skipið hafi tekið þátt í starfsemi eða flutningi hluta sem eru bönnuð samkvæmt ályktun öryggisráðs SP nr. 1718 (2006), 1874 (2009), 2087 (2013), 2094 (2013), 2270 (2016), 2321 (2016), 2356 (2017), 2371 (2017), 2375 (2017) eða 2397 (2017).

2. Ákvæðin um að gera skip upptæk í 1. mgr. skulu hætta að gilda sex mánuðum eftir þann dag sem slíkt skip var gert upptækt ef framkvæmdanefndin um þvingunaraðgerðir ákveður, í hverju tilvikum fyrir sig og að beiðni fánaríkis, að fullnægjandi ráðstafanir hafi verið gerðar til að koma í veg fyrir að skipið stuðli í framtíðinni að brotum á þeim ályktunum öryggisráðs SP sem um getur í 1. mgr.

3. Aðildarríki skulu afskrá skip sem gild ástæða er til að ætla að hafi tekið þátt í starfsemi eða flutningi hluta sem eru bönnuð skv. ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017).

4. Lagt skal bann við því að ríkisborgarar aðildarríkja veiti skipum, sem eru á skrá í VI. viðauka, flokkunarþjónustu, eða að hún sé veitt frá yfirráðasvæðum aðildarríkjanna, nema framkvæmdanefndin um þvingunaraðgerðir hafi fyrir fram veitt samþykki sitt fyrir því í hverju tilvikum fyrir sig.

5. Lagt er bann við því að ríkisborgarar aðildarríkja veiti skipum sem eru á skrá í VI. viðauka váttrygginga- eða endurtryggingaþjónustu, eða að hún sé veitt frá yfirráðasvæðum aðildarríkjanna.

6. Ákvæði 4. og 5. mgr. gilda ekki ef framkvæmdanefndin um þvingunaraðgerðir ákveður í hverju tilvikum fyrir sig að skipið stundi starfsemi einungis til lífsviðurværis, en verði ekki notað af norður-kóreskum einstaklingum eða rekstrareiningum til tekjuöflunar, eða sé einungis notað í þágu mannaþar.

7. Í VI. viðauka skulu vera skip, sem um getur í 4. og 5. mgr. þessarar greinar, sem gild ástæða er til að ætla að hafi tekið þátt í starfsemi eða flutningi hluta sem eru bönnuð skv. ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017).“

7) Í stað 21. gr. komi eftirfarandi:

„21. gr.

Aðildarríki skulu afskrá skip sem eru í eigu, undir stjórn eða í rekstri Alþýðulýðveldisins Kóreu og skulu ekki taka til skráningar skip sem annað aðildarríki hefur afskráð, skv. 24. mgr. ályktunar öryggisráðs SP nr. 2321 (2016), 8. mgr. ályktunar nr. 2375 (2017) eða 12. mgr. ályktunar nr. 2397 (2017), nema framkvæmdanefnd um þvingunaraðgerðir hafi samþykkt það fyrir fram í hverju tilvikum fyrir sig.“

8) Í 26. gr. a bætist eftirfarandi málsgrein við:

„5. Aðildarríki skulu án tafar og eigi síðar en 21. desember 2019 senda heim til Alþýðulýðveldisins Kóreu alla ríkisborgara Alþýðulýðveldisins sem afla tekna í lögsögu viðkomandi aðildarríkis og alla opinbera sendiráðsfulltrúa Alþýðulýðveldisins Kóreu sem sjá um öryggisefirlit og fylgjast með launþegum frá Alþýðulýðveldinu Kóreu erlendis, nema aðildarríkið ákvarði að ríkisborgari Alþýðulýðveldisins Kóreu sé

ríkisborgari aðildarríkis eða ríkisborgari Alþýðulýðveldisins sem bannað hefur verið að senda heim, samkvæmt gildandi landslögum og alþjóðalögum, þ.m.t. alþjóðleg lög um flóttamenn og alþjóðleg mannréttindalög, og samningi um höfuðstöðvar SP og samningi um réttindi og friðhelgi SP.“

- 9) Í stað 32. gr. komi eftirfarandi:

„32. gr.

Óheimilt er að efna kröfur sem tengjast samningi eða viðskiptum þegar aðgerðir, sem gripið er til samkvæmt ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2375 (2017) eða nr. 2397 (2017), þ.m.t. ráðstafanir Evrópusambandsins eða einhvers aðildarríkis þess sem eru í samræmi við, sem er krafist vegna eða eru í tengslum við framkvæmd viðeigandi ákvarðana öryggisráðsins eða þeirra ráðstafana sem ákvörðun þessi tekur til, hafa áhrif á framkvæmd þeirra með beinum eða óbeinum hætti, í heild eða að hluta, þ.m.t. kröfur um skaðleysisbætur eða aðrar ámóta kröfur, t.d. skaðabótakröfur eða kröfur samkvæmt ábyrgðarloforði, einkum framlengingar- eða greiðslukröfur vegna skuldabréfa, ábyrgðar eða skaðleysisbóta og þá sérstaklega fjárhagslegrar ábyrgðar eða fjárhagslegra skaðleysisbóta, í hvaða mynd sem er, ef slíkar kröfur eru settar fram af:

- tilgreindum aðilum eða rekstrareiningum sem eru skráð í I., II., III., IV., V. eða VI. viðauka,
- öðrum aðila eða rekstrareiningu í Alþýðulýðveldinu Kóreu, þ.m.t. ríkisstjórn Alþýðulýðveldisins Kóreu, opinberar stofnanir þess, fyrirtæki og umboðsskrifstofur,
- aðila eða rekstrareiningu sem starfar gegnum eða fyrir hönd einhvers þeirra aðila eða rekstrareininga er um getur í a- eða b-lið, eða
- eiganda eða leigutaka skips sem hefur verið lagt hald á eða gert upptækt, skv. 1. mgr. 18. gr. b, eða afskráð, skv. 3. mgr. 18. gr. b, eða fært á skrá í VI. viðauka.“

- 10) Eftirfarandi grein bætist við:

„32. gr. a

Aðgerðirnar sem settar eru fram í ályktunum öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) og nr. 2397 (2017) gilda ekki ef þær hamla með einhverjum hætti starfsemi ræðis- og sendiskrifstofa í Alþýðulýðveldinu Kóreu samkvæmt Vínarsamningunum um stjórnmalasamband og um ræðissamband.“

- 11) Í stað 1. og 2. mgr. 33. gr. komi eftirfarandi:

„1. Ráðið skal framfylgja breytingum á I. og IV. viðauka á grundvelli ákvarðana öryggisráðs SP eða framkvæmdanefndarinnar um þvingunaraðgerðir.

2. Ráðið skal, einróma og að tillögu aðildarríkja eða æðsta fulltrúa Sambandsins í utanríkis- og öryggismálum, taka saman skrárnar í II., III., V. og VI. viðauka og samþykkja breytingar á þeim.“

- 12) Í stað 2. mgr. 34. gr. komi eftirfarandi:

„2. Ákveði ráðið að aðgerðir, er um getur í 18. gr. b (4. eða 5. mgr.), 23. gr. (b- eða c-lið 1. mgr.) eða 27. gr. (b-, c- eða d-lið 1. mgr.), skuli taka til aðila eða rekstrareiningar, skal það breyta II., III., V. eða VI. viðauka til samræmis við það.“

- 13) Í stað 36. gr. a komi eftirfarandi:

„36. gr. a

Þrátt fyrir þær aðgerðir, sem settar eru fram í ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017) skal lögbært stjórnvald aðildarríkis veita nauðsynlega heimild, að því tilskildu að framkvæmdanefndin um þvingunaraðgerðir hafi ákveðið að nauðsynlegt sé að veita undanþágu, til að greiða fyrir starfi alþjóðastofnana og frjálsra félagasamtaka sem starfa í Alþýðulýðveldinu Kóreu við að veita almennum borgurum í landinu hjálp og aðstoð eða í öðrum tilgangi sem samræmist markmiðum þessara ályktana öryggisráðs SP.“

- 14) Ákvæðum II. viðauka er breytt í samræmi við I. viðauka við þessa ákvörðun.

- 15) Í stað IV. viðauka komi texti II. viðauka við þessa ákvörðun.

16) Texti III. viðauka við ákvörðun þessa bætist við sem VI. viðauki.

2. gr.

Ákvörðun þessi öðlast gildi daginn eftir að hún birtist í *Stjórnartíðindum Evrópusambandsins*.

Gjört í Brussel 26. febrúar 2018.

*Fyrir hönd ráðsins,*  
F. MOGHERINI,  
*forseti*

**Fylgiskjal 1.22.**

**FRAMKVÆMDARÁKVÖRÐUN RÁÐSINS (SSUÖ) 2018/331**  
**frá 5. mars 2018**  
**um framkvæmd ákvörðunar (SSUÖ) 2016/849**  
**um þvingunaraðgerðir gegn Alþýðulýðveldinu Kóreu**

I. viðauka við ákvörðun (SSUÖ) nr. 2016/849 er hér með breytt eins og kemur fram í viðauka við ákvörðun þessa. (Efnisútdráttur).

*VIÐAUKI*

Viðaukinn er birtur á vef Stjórnartíðinda ESB:

[http://data.europa.eu/eli/dec\\_impl/2018/331/oj](http://data.europa.eu/eli/dec_impl/2018/331/oj).

Síðari breytingar og uppfærslur viðaukans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

**Fylgiskjal 1.23.**

**FRAMKVÆMDARÁKVÖRÐUN RÁÐSINS (SSUÖ) 2018/551**  
**frá 6. apríl 2018**  
**um framkvæmd ákvörðunar (SSUÖ) 2016/849**  
**um þvingunaraðgerðir gegn Alþýðulýðveldinu Kóreu**

Viðaukum I. og IV. við ákvörðun (SSUÖ) nr. 2016/849 er hér með breytt eins og kemur fram í viðauka við ákvörðun þessa. (Efnisútdráttur).

*VIÐAUKAR*

Viðaukarnir eru birtir á vef Stjórnartíðinda ESB:

[http://data.europa.eu/eli/dec\\_impl/2018/551/oj](http://data.europa.eu/eli/dec_impl/2018/551/oj).

Síðari breytingar og uppfærslur viðaukans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

**Fylgiskjal 2.11.**

**REGLUGERÐ RÁÐSINS (ESB) 2018/285**  
**frá 26. febrúar 2018**  
**um breytingu á reglugerð ráðsins (ESB) 2017/1509**  
**um þvingunaraðgerðir gegn Alþýðulýðveldinu Kóreu**

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 215. gr.,

með hliðsjón af ákvörðun ráðsins (SSUÖ) 2016/849 frá 27. maí 2016 um þvingunaraðgerðir gegn Alþýðulýðveldinu Kóreu og niðurfellingu ákvörðunar 2013/183/SSUÖ <sup>(1)</sup>,

með hliðsjón af sameiginlegri tillögu frá æðsta fulltrúa Sambandsins í utanríkis- og öryggismálum og framkvæmdastjórn Evrópusambandsins,

og að teknu tilliti til eftirfarandi:

- 1) Með reglugerð ráðsins (ESB) 2017/1509 <sup>(2)</sup> koma til framkvæmda aðgerðir sem kveðið er á um í ákvörðun (SSUÖ) 2016/849.
- 2) Hinn 22. desember 2017 samþykkti öryggisráð Sameinuðu þjóðanna ályktun nr. 2397 (2017) þar sem það lýsti yfir þungum áhyggjum af skotflaugarskoti Alþýðulýðveldisins Kóreu 28. nóvember 2017. Öryggisráð Sameinuðu þjóðanna áréttaði að útbreiðsla kjarnavopna, efnavopna og líffræðilegra vopna, ásamt burðarkerfum þeirra, feli í sér ógn við frið og öryggi í heiminum og setti fram nýjar þvingunaraðgerðir gegn Alþýðulýðveldinu Kóreu. Þessar aðgerðir efla enn frekar þær þvingunaraðgerðir sem settar eru fram í ályktunum öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017) og nr. 2375 (2017).
- 3) Öryggisráð Sameinuðu þjóðanna ákvað m.a. að herða útflutningsbannið á jarðolíuafurðum og leggja á bann við innflutningi á matvælum, vélum, rafbúnaði, jarðvegi og grjóti frá Alþýðulýðveldinu Kóreu, bann við útflutningi til Alþýðulýðveldisins Kóreu á búnaði til iðnaðar, vélbúnaði, samgöngutækjum og iðnaðarmálum og frekari þvingunaraðgerðir á sviði siglinga.
- 4) Framkvæmdastjórnin ætti að hafa heimild til að breyta skránum yfir matvæli og landbúnaðarvörur, vélar og rafbúnað, jarðveg og grjót, þ.m.t. magnesít og magnesíu, við, skip og iðnaðarvélar, samgöngutæki, og járn, stál og annan málms á grundvelli ákvarðana annaðhvort framkvæmdanefndarinnar um þvingunaraðgerðir eða öryggisráðs Sameinuðu þjóðanna og til að uppfæra númer úr sameinuðu nafnaskránni eins og sett er fram í I. viðauka við reglugerð ráðsins (EBE) nr. 2658/87 <sup>(3)</sup>.
- 5) Til þess að tryggja samræmda beitingu aðgerða á sviði siglinga, sem koma fram í ályktun öryggisráðs SP nr. 2397 (2017), er rétt að semja nýjan XVIII. viðauka við reglugerð (ESB) 2017/1509 með skrá yfir skip sem ráðið hefur ástæðu til að halda að tengist aðgerðum eða flutningi hluta sem eru bannaðir samkvæmt ályktun öryggisráðs SP nr. 1718 (2006), 1874 (2009), 2087 (2013), 2094 (2013), 2270 (2016), 2321 (2016), 2356 (2017), 2371 (2017), 2375 (2017) eða 2397 (2017).
- 6) Vald til að breyta skránni yfir skip sem fram kemur í XVIII. viðauka við reglugerð (ESB) 2017/1509 ætti að vera í höndum ráðsins til þess að tryggja samræmi við gildandi aðferð við að samþykkja og breyta skránni yfir skip í VI. viðauka við ákvörðun (SSUÖ) 2016/849.
- 7) Fjarlægja ætti þrjá aðila og eina rekstrareiningu, sem öryggisráð SP hefur tilgreint, af skránni yfir aðila og rekstrareiningar sem ráðið hefur tilgreint sérstaklega sem er að finna í XV. viðauka við reglugerð (ESB) 2017/1509.
- 8) Ákvörðun ráðsins (SSUÖ) 2018/293 <sup>(4)</sup> breytti ákvörðun (SSUÖ) 2016/849 til að koma til framkvæmda nýjum aðgerðum sem settar eru fram í ályktun öryggisráðs SP nr. 2397 (2017).
- 9) Þessar aðgerðir falla undir gildissvið sáttmálans og því er lagasetning á vettvangi Sambandsins nauðsynleg, einkum til að tryggja sé að þeim sé beitt með sama hætti í öllum aðildarríkjunum.
- 10) Því ætti að breyta reglugerð (ESB) 2017/1509 til samræmis við það.

SAMÞYKKT REGLUGERÐ ÞESSA:

*1. gr.*

Reglugerð (ESB) 2017/1509 er breytt sem hér segir:

## 1) Í stað 16. gr. a komi eftirfarandi:

*„16. gr. a*

1. Lagt er bann við því að flytja inn, kaupa eða tilfæra frá Alþýðulýðveldinu Kóreu, með beinum eða óbeinum hætti, sjávarafurðir, þ.m.t. fisk, krabbadýr, lindýr og hvers kyns aðra lagarhryggleysingja sem skráð eru í XI. viðauka a, hvort sem uppruni þeirra er í Alþýðulýðveldinu Kóreu eða ekki.

2. Lagt er bann við því að kaupa eða tilfæra, með beinum eða óbeinum hætti, fiskveiðiréttindi frá Alþýðulýðveldinu Kóreu.“

## 2) Í stað 16. gr. d, 16. gr. e og 16. gr. f komi eftirfarandi:

*„16. gr. d*

Lagt er bann við því að selja, afhenda, tilfæra eða flytja út, með beinum eða óbeinum hætti, til Alþýðulýðveldisins Kóreu allar hreinsaðar olíuvörur sem skráðar eru í XI. viðauka d., hvort sem þær eru upprunnar í Sambandinu eða ekki.

*16. gr. e*

1. Þrátt fyrir 16. gr. d geta lögbær stjórnvöld í aðildarríkjunum heimilað viðskipti með hreinsaðar olíuvörur sem gengið hefur verið úr skugga um að séu einungis í þágu mannúðar, að því tilskildu að öll eftirfarandi skilyrði séu uppfyllt:

- a) viðskiptin taka ekki til einstaklinga eða rekstrareininga sem tengjast kjarnorku- eða skotflaugaáætlunum Alþýðulýðveldisins Kóreu eða annarri starfsemi sem er bönnuð samkvæmt ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017), þ.m.t. aðilar, rekstrareiningar og stofnanir sem eru á skrá í XIII., XV., XVI. og XVII. viðauka,
- b) viðskiptin tengjast á engan hátt tekjuöflun til kjarnorku- eða skotflaugaáætlana Alþýðulýðveldisins Kóreu eða annarri starfsemi sem er bönnuð samkvæmt ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017),
- c) framkvæmdanefndin um þvingunaraðgerðir hefur ekki tilkynnt aðildarríkjunum um að 90% af samantöldum árlegum takmörkunum hafi verið náð og
- d) hlutaðeigandi aðildarríki sendir framkvæmdanefndinni um þvingunaraðgerðir tilkynningu um magn útflutningsins ásamt upplýsingum um alla aðila að viðskiptunum á 30 daga fresti.

2. Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 1. mgr.

*16. gr. f*

Lagt er bann við því að selja, afhenda, tilfæra eða flytja út, með beinum eða óbeinum hætti, til Alþýðulýðveldisins Kóreu hráolíu sem skráð er í XI. viðauka e hvort sem hún er upprunnin í Sambandinu eða ekki.“

## 3) Í stað 1. mgr. 16. gr. g komi eftirfarandi:

„1. Þrátt fyrir ákvæði 16. gr. f geta lögbær stjórnvöld í aðildarríkjunum heimilað viðskipti með hráolíu, að því tilskildu að öll eftirfarandi skilyrði séu uppfyllt:

- a) lögbært stjórnvald aðildarríkisins hefur komist að raun um að viðskiptin séu einungis í þágu mannúðar og
- b) aðildarríkið hefur fengið samþykki framkvæmdanefndarinnar um þvingunaraðgerðir fyrir fram í hverju tilviki fyrir sig í samræmi við 4. mgr. ályktunar öryggisráðs SP nr. 2397 (2017).“

## 4) Eftirfarandi greinar bætast við:

*„16. gr. j*

Lagt er bann við því að flytja inn, kaupa eða tilfæra frá Alþýðulýðveldinu Kóreu, með beinum eða óbeinum hætti, matvæli og landbúnaðarafurðir sem skráð eru í XI. viðauka g, hvort sem uppruni þeirra er í Alþýðulýðveldinu Kóreu eða ekki.



*16. gr. k*

Lagt er bann við því að flytja inn, kaupa eða tilfæra frá Alþýðulýðveldinu Kóreu, með beinum eða óbeinum hætti, vélar og rafbúnað sem skráð eru í XI. viðauka h, hvort sem uppruni þeirra er í Alþýðulýðveldinu Kóreu eða ekki.

*16. gr. l*

Lagt er bann við því að flytja inn, kaupa eða tilfæra frá Alþýðulýðveldinu Kóreu, með beinum eða óbeinum hætti, jarðveg og grjót, þ.m.t. magnesít og magnesíu, sem skráð eru í XI. viðauka i, hvort sem uppruni þeirra er í Alþýðulýðveldinu Kóreu eða ekki.

*16. gr. m*

Lagt er bann við því að flytja inn, kaupa eða tilfæra frá Alþýðulýðveldinu Kóreu, með beinum eða óbeinum hætti, við sem skráður er í XI. viðauka j, hvort sem uppruni hans er í Alþýðulýðveldinu Kóreu eða ekki.

*16. gr. n*

Lagt er bann við því að flytja inn, kaupa eða tilfæra frá Alþýðulýðveldinu Kóreu, með beinum eða óbeinum hætti, skip sem skráð eru í XI. viðauka k, hvort sem uppruni þeirra er í Alþýðulýðveldinu Kóreu eða ekki.

*16. gr. o*

1. Þrátt fyrir 16. gr. j til 16. gr. n geta lögbær stjórnvöld aðildarríkjanna heimilað innflutning, kaup eða tilfærslu á hlutunum, sem um getur í þessum greinum, til 21. janúar 2018 í síðasta lagi, að því tilskildu að:

- a) innflutningurinn, kaupin eða tilfærslan eigi að fara fram samkvæmt skriflegum samningi sem öðlaðist gildi fyrir 22. desember 2017 og
- b) hlutaðeigandi aðildarríki sendi framkvæmdanefndinni um þvingunaraðgerðir tilkynningu með upplýsingum um slík kaup, innflutning eða tilfærslu eigi síðar en 5. febrúar 2018.

2. Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 1. mgr.

*16. gr. p*

Lagt er bann við því að selja, afhenda, tilfæra eða flytja út, með beinum eða óbeinum hætti, til Alþýðulýðveldisins Kóreu, allar iðnaðarvélar, samgöngutæki, járn, stál og annan málm sem er skráður í A-hluta XII. viðauka, hvort sem þau eru upprunnin í Sambandinu eða ekki.

*16. gr. q*

1. Lögbær stjórnvöld aðildarríkjanna geta heimilað útflutning á varahlutum sem nauðsynlegir eru til viðhalda öruggri starfrækslu farþegaloftfara Alþýðulýðveldisins Kóreu í áætlunarflugi fyrir almenning, sem eru af þeim tegundum og gerðum sem skráðar eru í B-hluta XII. viðauka.

2. Hlutaðeigandi aðildarríki skal án tafar tilkynna hinum aðildarríkjunum og framkvæmdastjórninni um sérhverja heimild sem veitt er skv. 1. mgr.“

5) Ákvæðum 34. gr. er breytt sem hér segir:

- a) ákvæði 7., 8. og 9. mgr. falli brott,
- b) númerum 10., 11. og 12. mgr. verði breytt í 7., 8. og 9. mgr.

6) Í stað 43. og 44. gr. komi eftirfarandi:

*„43. gr.*

1. Lagt er bann við því:

- a) að leigja (e. lease or charter) skip eða loftför eða veita áhafnarþjónustu Alþýðulýðveldinu Kóreu, aðilum eða rekstrareiningum sem eru á skrá í XIII., XV., XVI. eða XVII. viðauka, öðrum rekstrareiningum Alþýðulýðveldisins Kóreu, öðrum aðilum eða rekstrareiningum sem hafa aðstoðað við brot á ákvæðum ályktunar öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016) eða nr. 2371 (2017) eða aðila eða rekstrareiningu sem kemur fram fyrir hönd eða starfar eftir fyrirmælum slíks aðila eða rekstrareiningar, og rekstrareiningum sem eru í eigu eða undir stjórn þeirra,
- b) að kaupa áhafnarþjónustu fyrir skip eða loftför frá Alþýðulýðveldinu Kóreu,

- c) að eiga, leigja, reka eða tryggja skip sem siglir undir fána Alþýðulýðveldisins Kóreu eða veita líku skipi flokkunarþjónustu eða tengda þjónustu,
  - d) að veita skipum sem eru á skrá í XVIII. viðauka flokkunarþjónustu,
  - e) að sækja um eða aðstoða við skráningu á eða að viðhalda skráningu skips sem Alþýðulýðveldið Kórea eða ríkisborgarar þess eiga, stjórna eða reka, sérhvers skips sem er á skrá í XVIII. viðauka eða sem hefur verið afskráð af öðru ríki skv. 24. mgr. ályktunar öryggisráðs SP nr. 2321 (2016) eða 8. mgr. ályktunar öryggisráðs SP nr. 2375 (2017) eða 12. mgr. ályktunar öryggisráðs SP nr. 2397 (2017) eða
  - f) að veita skipum, sem Alþýðulýðveldið Kórea á, stjórnar eða rekur, eða skipum á skrá í XVIII. viðauka, váttrygginga- eða endurtryggingaþjónustu.
2. Í XVIII. viðauka skulu vera skip, sem ekki eru á skrá í XIV. viðauka, sem ráðið hefur ástæðu til að ætla að hafi tekið þátt í starfsemi eða flutningi hluta sem eru bönnuð skv. ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017).

*44. gr.*

1. Þrátt fyrir bannið í a-lið 1. mgr. 43. gr. geta lögbær stjórnvöld í aðildarríkjunum heimilað leigu eða að veitt sé áhafnarþjónusta, að því tilskildu að aðildarríkið hafi fengið samþykki framkvæmdanefndarinnar um þvingunaraðgerðir fyrir fram í hverju tilviki fyrir sig.
  2. Þrátt fyrir bannið í c- og e-lið 1. mgr. 43. gr. geta lögbær stjórnvöld aðildarríkjanna veitt heimild til að eiga, leigja eða reka skip sem siglir undir fána Alþýðulýðveldisins Kóreu eða veita því flokkunarþjónustu eða tengda þjónustu eða til að skrá eða viðhalda skráningu skips sem er í eigu, undir stjórn eða rekið af hálfu Alþýðulýðveldisins Kóreu eða ríkisborgara þess, að því tilskildu að aðildarríkið hafi fengið samþykki framkvæmdanefndarinnar um þvingunaraðgerðir fyrir fram í hverju tilviki fyrir sig.
  3. Þrátt fyrir bannið í d-lið 1. mgr. 43. gr. geta lögbær stjórnvöld í aðildarríkjunum heimilað að skipum sem eru á skrá í XVIII. viðauka sé veitt flokkunarþjónusta, að því tilskildu að aðildarríkið hafi fengið samþykki framkvæmdanefndarinnar um þvingunaraðgerðir fyrir fram í hverju tilviki fyrir sig.
  4. Þrátt fyrir bannið í e-lið 1. mgr. 43. gr. geta lögbær stjórnvöld í aðildarríkjunum heimilað skráningu skips sem annað ríki hefur afskráð skv. 12. gr. ályktunar öryggisráðs SP nr. 2397 (2017), að því tilskildu að aðildarríkið hafi fengið samþykki framkvæmdanefndarinnar um þvingunaraðgerðir fyrir fram í hverju tilviki fyrir sig.
  5. Þrátt fyrir bannið í f-lið 1. mgr. 43. gr. geta lögbær stjórnvöld í aðildarríkjunum heimilað veitingu váttrygginga- eða endurtryggingaþjónustu, að því tilskildu að framkvæmdanefndin um þvingunaraðgerðir hafi ákveðið fyrir fram í hverju tilviki fyrir sig að skipið stundi starfsemi einungis til lífsviðurværis, en verði ekki notað af norður-kóreskum einstaklingum eða rekstareiningum til tekjuöflunar, eða einungis í þágu mannúðar.
  6. Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem er veitt skv. 1. 2., 3., 4. og 5. mgr.“
- 7) Í stað 45. gr. komi eftirfarandi:

*„45. gr.*

1. Þrátt fyrir bannið sem leiðir af ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017) geta lögbær stjórnvöld í aðildarríkjunum heimilað hvers kyns starfsemi ef framkvæmdanefndin um þvingunaraðgerðir hefur ákveðið í hverju tilviki fyrir sig að hún sé nauðsynleg til að greiða fyrir starfi alþjóðastofnana og frjálsra félagasamtaka sem starfa í Alþýðulýðveldinu Kóreu við að veita almennum borgurum í landinu hjálp og aðstoð eða í öðrum tilgangi sem samrýmist markmiðum þessara ályktana öryggisráðs SP.
  2. Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem er veitt skv. 1. mgr.“
- 8) Eftirfarandi grein bætist við:

*„45. gr. a*

1. Nema kveðið sé á um annað í þessari reglugerð, og þrátt fyrir bönnin sem leiðir af ályktun öryggisráðs SP nr. 1718 (2006), nr. 1874 (2009), nr. 2087 (2013), nr. 2094 (2013), nr. 2270 (2016), nr. 2321 (2016), nr. 2356 (2017), nr. 2371 (2017), nr. 2375 (2017) eða nr. 2397 (2017), geta lögbær stjórnvöld í aðildarríkjunum

heimilað, í hverju tilviki fyrir sig, hverja þá starfsemi sem er nauðsynleg fyrir störf sendiskrifstofa eða ræðisstofnana í Alþýðulýðveldinu Kóreu samkvæmt Vínarsamningunum 1961 og 1963, eða alþjóðastofnana sem njóta friðhelgi að þjóðarrétti í Alþýðulýðveldinu Kóreu.

2. Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem er veitt skv. 1. mgr.“

9) Í stað b. liðar 46. gr. komi eftirfarandi:

„b) gera breytingar á II., III., IV., V., VI., VII., VIII og IX. hluta II. viðauka og á VI., VII., IX., X. og XI. viðauka, XI. viðauka a, XI. viðauka b, XI. viðauka c, XI. viðauka d, XI. viðauka e, XI. viðauka f, XI. viðauka g, XI. viðauka h, XI. viðauka i, XI. viðauka j, XI. viðauka k og XII. viðauka á grundvelli ákvarðana annaðhvort framkvæmdanefndarinnar um þvingunaraðgerðir eða öryggisráðs SÞ og til að uppfæra númer úr sameinuðu nafnaskránni eins og sett er fram í I. viðauka við reglugerð (EBE) nr. 2658/87,“.

10) Í stað 2. mgr. 47. gr. komi eftirfarandi:

„2. Ákveði ráðið að þær aðgerðir er um getur í 1., 2. eða 3. mgr. 34. gr. skuli varða einstakling, lögaðila, rekstrareiningu eða stofnun eða ákveði það að tilgreina skip skv. 43. gr. skal það gera viðeigandi breytingar á XV., XVI. og XVII. og XVIII. viðauka.“

11) Eftirfarandi grein bætist við:

„47. gr. a

1. Endurskoða ber XV., XVI., XVII. og XVIII. viðauka með reglulegu millibili og a.m.k. á 12 mánaða fresti.

2. Í XIII., XIV., XV., XVI., XVII. og XVIII. viðauka skal koma fram af hvaða ástæðum viðkomandi aðilar, rekstrareiningar, stofnanir og skip eru sett á skrá.

3. Í XIII., XIV., XV., XVI., XVII. og XVIII. viðauka komi einnig fram nauðsynlegar upplýsingar, ef þær liggja fyrir, sem gera kleift að bera kennsl á viðkomandi einstaklinga eða lögaðila, rekstrareiningar, stofnanir og skip. Að því er einstaklinga varðar geta þessar upplýsingar verið nöfn þeirra, m.a. tökuheiti, fæðingardagur, -ár og -staður, ríkisfang, númer vegabréfs og kennivottorðs, kyn, heimilisfang, ef það er þekkt, og hlutverk eða starf. Að því er varðar lögaðila, rekstrareiningar og stofnanir geta þessar upplýsingar verið m.a. nöfn, skráningarstaður og -dagsetning, skráningarnúmer og starfsstöð.“

12) Í stað a-liðar 1. mgr. 53. gr. komi eftirfarandi:

„a) tilgreindum aðilum, rekstrareiningum eða stofnunum sem eru á skrá í XIII., XV., XVI. eða XVII. viðauka eða eigendum skipa á skrá í XIV. eða XVIII. viðauka,“.

13) Texti I. viðauka við þessa reglugerð er felldur inn sem XI. viðauki g.

14) Texti II. viðauka við þessa reglugerð er felldur inn sem XI. viðauki h.

15) Texti III. viðauka við reglugerð þessa er felldur inn sem XI. viðauki i.

16) Texti IV. viðauka við reglugerð þessa er felldur inn sem XI. viðauki j.

17) Texti V. viðauka við reglugerð þessa er felldur inn sem XI. viðauki k.

18) Texti VI. viðauka við reglugerð þessa er felldur inn sem XII. viðauki.

19) Ákvæðum XV. viðauka er breytt í samræmi við VII. viðauka við þessa reglugerð.

20) Texti VIII. viðauka við þessa reglugerð bætist við sem XVIII. viðauki.

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 26. febrúar 2018.

*Fyrir hönd ráðsins,*  
F. MOGHERINI,  
*forseti.*

<sup>(1)</sup> Stjtið. ESB L 141, 28.5.2016, bls. 79.

<sup>(2)</sup> Reglugerð ráðsins (ESB) 2017/1509 frá 30. ágúst 2017 um þvingunaraðgerðir gegn Alþýðulýðveldinu Kóreu og að fella úr gildi reglugerð (EB) nr. 329/2007 (Stjtið. ESB L 224, 31.8.2017, bls. 1).

<sup>(3)</sup> Reglugerð ráðsins (EBE) nr. 2658/87 frá 23. júlí 1987 á tolla og tölfraði skrána og um sameiginlegu tollskrána (Stjtið. ESB L 256, 7.9.1987, bls. 1).

<sup>(4)</sup> Reglugerð ráðsins (SSUÖ) 2018/293 frá 26. febrúar 2018 um breytingu á ákvörðun (SSUÖ) 2016/849 ym þvingunaraðgerðir gegn Alþýðveldinu Kóreu (Stjtið. ESB L 55, 27.2.2018, bls. 50).

### **Fylgiskjal 2.12.**

**FRAMKVÆMDARREGLUGERÐ RÁÐSINS (ESB) 2018/286**  
**frá 26. febrúar 2018**  
**um framkvæmd reglugerðar (ESB) 2017/1509**  
**um þvingunaraðgerðir gegn Alþýðulýðveldinu Kóreu**

Viðauka XIV. við reglugerð (ESB) nr. 2017/1509 er hér með breytt eins og kemur fram í viðauka við ákvörðun þessa. (Efnisútdráttur).

*VIÐAUKI*

Viðaukinn er birtur á vef Stjórnartíðinda ESB:

[http://data.europa.eu/eli/reg\\_impl/2018/286/oj](http://data.europa.eu/eli/reg_impl/2018/286/oj).

Síðari breytingar og uppfærslur viðaukans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

### **Fylgiskjal 2.13.**

**FRAMKVÆMDARREGLUGERÐ RÁÐSINS (ESB) 2018/324**  
**frá 5. mars 2018**  
**um framkvæmd reglugerðar (ESB) 2017/1509**  
**um þvingunaraðgerðir gegn Alþýðulýðveldinu Kóreu**

Viðauka XIII. við reglugerð (ESB) nr. 2017/1509 er hér með breytt eins og kemur fram í viðauka við ákvörðun þessa. (Efnisútdráttur).

*VIÐAUKI*

Viðaukinn er birtur á vef Stjórnartíðinda ESB:

[http://data.europa.eu/eli/reg\\_impl/2018/324/oj](http://data.europa.eu/eli/reg_impl/2018/324/oj).

Síðari breytingar og uppfærslur viðaukans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

**Fylgiskjal 2.14.**

**FRAMKVÆMDARREGLUGERÐ RÁÐSINS (ESB) 2018/548**

**frá 6. apríl 2018**

**um framkvæmd reglugerðar (ESB) 2017/1509  
um þvingunaraðgerðir gegn Alþýðulýðveldinu Kóreu**

Viðaukum XIII. og XIV. við reglugerð (ESB) nr. 2017/1509 er hér með breytt eins og kemur fram í viðauka við ákvörðun þessa. (Efnisútdráttur).

*VIÐAUKAR*

Viðaukarnir eru birtur á vef Stjórnartíðinda ESB:

[http://data.europa.eu/eli/reg\\_impl/2018/548/oj](http://data.europa.eu/eli/reg_impl/2018/548/oj).

Síðari breytingar og uppfærslur viðaukans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

---

B-deild – Útgáfud.: 5. mars 2019